

Hungariæ Regnum.

474

*Regio & unde
dicta.*

Situs.

*Cæli temperies.
Soli fertilitas.*

*Animalium va-
rietas.*

*Imperium majo-
rum.*

HUNGARIA, vulgo *Hongerem* (quam nomen ab Hunnis vel Hungaris populis ex Scythia profectis, qui eam incolunt, habere constat) Pannonias & trans Danubium Iazygum & Dacorum Regionem fere omnem occupat. Ad Meridiem est Savus Amnis, quo a Croatia & Servia disjungitur, quæ sunt in parte Illyrici Adriatico pelago obversa. A Septentrione sunt Polonia & Russia, Carpato monte disclusa. Ad Occidentem Solem Austria, Superioris quondam Pannoniæ Caput, cum Moravia & Stiria; ab Oriente Mysia quam Rhetianam nunc appellant. Regio omnibus Cæli benignitate & clementia, ac loci amœnitate, Situsque pulchritudine, suo jure ante ferenda. Ager rerum omnium copia ac fertilitate felix. Gemmas, Aurum, Argentum, Colores, Sal fodientibus abunde largitur. Pabuli, Frumenti, Leguminum ac Fructuum nusquam abundantia major. Vinum gignit generosissimum tractus Danubianus, a Quinque-Ecclesiensi Agro Taurunum seu Belgradum usque. Olea tamen rara aut nulla est: ea dempta omnibus propemodum Naturæ dotibus hoc Regnum ornatum videtur, Animalia producit varia, quorum tanta hic copia, in primis Ovium, Boum, ut in exterarum Regionum tot & tanta armenta mittat, ut pene incredibile videatur, præsertim in Italiam & Germaniam. Feris quoque mirifice abundat, Leporibus, Damis, Capreolis, Cervis, Apris, Lupis, Vrsis, & hujusmodi; Avibus item, præsertim Turdis, Perdricibus, & Phasianis. Coluerunt Regionem hanc primum *Paones*, sive *Pannoniæ*: postea *Gothi*, qui ab *Hunnis* expulsi sunt: *Hunni* a *Longobardis*, qui etiam totos *XLII* annos hic confedere. Successerunt iterum *Hunni* Duce *Attila*, quo obito, Carolus Magnus eam sui juris fecit. Anno autem *CCIO* sub *Arnulpho Imperatore* ex Scythia profecti *Hungari* loca ista occupaverunt Paganissimum colentes ad usque *Regis Stephani* quem *Sanctum* vocant, inaugurationem. Ab eo deinceps ad nostra tempora Hungaria Christianam Religionem possessa est. Continet autem Hungaria totam *Iazygum Meranistarum* regionem, quam Ptolemæus Danubio, Tibisco & Montibus Sarmaticis circumscribit. Horum reliquias adhuc exstare constat, & vulgo contracta voce *Iaz* vocari. Incolunt vero sedes a Plinio descriptas & linguæ idioma habent Hungarico dissimilimum. Regum Hungariæ primus fuit post constitutam religionem Christianam *Stephanus* cognomento *Sanctus*, sequuti sunt *Petrus* ejus Nepos, *Andreas* Consanguineus, *Bela*, *Salomon*, *Geysa*, *Ladislavus*, *Almus*, *Stephanus II*, *Bela cæcus*, *Geysa II*, *Stephanus III*, *Bela III*, *Emericus*, *Ladislavus II*, alique longo ordine, ad usque *Rudolphi I* Regis & Germanorum Cæsaris tempora, qui jam tricessimum secundum annum illi regno præest. Rex vero Hungariæ Regnum suum administrat in Magistralium auxilio, qui sunt: Sublimior qui in tres Magistratus dividitur quorum I Gubernans Regnum Regis nomine in quo fuit, *Palatinum Regni*, qui proximus a Rege est, & Regis ipsius, sicuti accusatus, Iudex ordinarius existit, quem Regnicolæ communi voto eligunt, nec hæreditarium est officium. *Iudex Curia*, qui est unus ex Iudicibus Regni ordinarius.

Cancellarius